


T 2816/8203

V. 9

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 22 1939



Harvard College Library Imaging Services <http://imaging.harvard.edu>

欽定平定臺灣紀畧卷五

哈佛大學漢和
圖書館珍藏印

二月初六日

甲辰

孫士毅奏言拏獲匪犯許阿協

等四名供上年七月十月在漳州地方被賴阿

邊等糾引入天地會其會起于乾隆三十二年

轉以大指爲天小指爲地凡入其教者用三指按

會住心坎爲號便可免於搶奪被搶銀兩亦可要

士命回等語奏入

金匱要略卷五
上命軍機大臣傳諭李侍堯孫士毅徐嗣曾曰天地
會名色起自三十二年爲時已久且該犯等輒敢
轉相糾約暗用記號奪取財物毫無忌憚而許阿
協等俱在漳州地方被誘入夥並未渡臺可見此
等邪教閩省內地已有尚不止臺灣一處從來倡
教立會最易煽惑人心爲地方之害上年大名糾
衆戕官一案段文經亦借立八卦會爲名互相勾

引遂成逆案而閩省匪徒公然立天地會名色肆
行搶奪較之大名邪教其案更久此總由地方官
平時不肯實力查察及遇有犯事者又不能徹底
根究以致姑息養奸卽如上年臺灣楊光勳一案
所立會名卽係現經查出之天地會乃地方官改
作添弟二字明屬化大爲小希圖規避處分此次
林爽文等滋事不法卽由從前養癰貽患所致不

可不嚴切究辦以淨根株著該督等于事定後密訪嚴拏痛予懲創勿再稍留餘孽並將三十二年以後失察邪教之督撫及文武大小員弁徹底查明據實叅奏其辦理楊光勳一案將天地二字改作添弟字樣之臺灣地方官其咎更重並著確查嚴叅以示懲儆至許阿協供出勾引入教之賴阿邊等犯俱籍隸漳州該督等俟臺匪辦完後卽飭

屬嚴緝務獲訊明黨羽按名究辦毋任奸徒漏網

初七日乙巳常青奏言賊匪於十二月三十及正

月初一等日分路攻逼郡城經鎮道督率文武員弁兵民義勇人等協力勦殺鎗砲打死賊人甚多賊匪四散奔逃又臺灣府知府印務先經飭令福州府同知楊紹裘署理奏入

上命軍機大臣傳諭李侍堯常青黃仕簡任承恩曰

此次與賊打仗文武官弁及兵民義勇人等協力
勦殺奮勇得勝保護郡城實屬可嘉俟常青抵臺
灣於勦捕完竣後查明實在出力人員分別奏請
交部議敘所有義民鄉勇激發公義協力勦賊尤
堪嘉獎僅令地方官分別獎賞尚不足以示鼓勵
著常青於抵臺灣後查明各義民鄉勇內如係務
農經商生理者卽酌免交納賦稅若係首先倡義

紳衿本有頂帶者卽開列名單奏明酌予職銜以
示優異至黃仕簡任承恩於正月初四初六前後
抵臺迄今已一月有餘何以尚未據奏報勦賊消
息該提督等係專闖大員抵臺灣已久卽待厚集
兵力尅期進攻亦應將賊匪情形隨時奏報乃至
今總無消息所辦何事黃仕簡任承恩著傳旨嚴
行申飭看來黃仕簡任承恩全不諳事理輕重緩

急且彼此俱係提督不相統攝竟有互相觀望之意於勦捕事宜不能得力近來常青屢次奏報甚有主見籌辦一切頗合機宜此時李侍堯自己抵泉州常青交印後卽速渡臺灣督同黃仕簡等勦捕賊匪務將賊首林爽文王芬及此外有名頭目擒拿解京盡法懲治不可任其逸入內山原任山東按察使楊廷樺曾任臺灣道且在閩省年久於

該處情形自所熟悉其獲咎因監犯越獄究非私罪可比前已有旨交與李侍堯帶往差遣委用現劉值用人之際卽著楊廷樺補授臺灣府知府仍帶簡革職留任並傳諭常青俟李侍堯到閩卽令楊廷樺渡臺灣接印任事

皇上

臣

等謹案林爽文結黨肆虐一時義民鄉勇或首先倡義或應募急公其義憤激發足見小民

具有天良我

皇上深爲嘉予以僅由地方官獎賞不足以示鼓勵

特

諭令督臣查明農商酌免賦稅紳衿給予職銜

隆恩逾格彰優異而務普霑宜乎志切同仇倍加感

興奮也

上又命軍機大臣傳諭李侍堯常青曰該匪等私行

倡立天地會已閱二十年之久在其黨者自必隨

同搶奪而被搶者豈有甘心隱忍不行呈控之理

乃從未見該督有查辦會匪搶奪之案若被搶之

人呈控到案該地方官又何所迴護竟置不辦其

故殊不可解且事歷多年其黨羽必多著李侍堯

常青均俟勦捕完竣後李侍堯在閩省內地各屬

密訪嚴拿常青在臺灣地方卽速嚴行搜緝毋得

稍留餘孽仍應不動身色妥協辦理並將此會究
係起自何年該省有無被搶控告地方官沉擱不
辦之案確查叅劾

人同日常青奏言水陸兩提臣到臺日久迄今未

得殲賊確信必因南北兩路往復熟商以籌併

同力合攻動出萬全不無少需時日但臣盼望愈

切夙夜靡寧至臺灣郡城及鹿仔港新莊一帶

俱能攻殺賊匪保護各境今當大兵四集定可

尅期掃滅淨盡又逆匪林爽文等糾衆蔓延佔

踞彰化諸羅鳳山等縣守土文武各官或臨敵

捐軀或奮身殉節除臺灣知府印務先經飭委

福州府海防同知楊紹裘前赴署理今經大兵

進勦被陷地方以次收復所有知縣同知各缺

均應遴員速往經理臣隨飭令原任同安縣知

欽定四庫全書
卷五
縣黃嘉訓前往署理諸羅縣知縣事務候補知
縣宋學灝前往署理彰化縣知縣事務其鳳山
縣缺卽以現准調補之張升吉速赴任事又理
番同知一缺委令原任俸滿理番同知王雋署
理淡水同知一缺飭令現准陞署之徐夢麟前
往任事至各廳縣印信除淡水同知關防已據
摧送到泉卽發交徐夢麟攜帶備用其餘尚應

查追下落先飭將各經歷縣丞印信關防借給
備用俾得各昭信守所遺彰化等屬縣丞巡檢

典史各缺亦俱隨時派委前往至被害武職各
官咨令水師提臣黃仕簡卽于現在領兵到臺

之副將叅將都守內就近酌量委用統於事竣
之日循例分別題咨辦理再查臺灣府知府孫
景燧係在彰化拏賊被害所有印信亦恐遺失

飭署府楊紹裘借用臺灣府經歷印信其內地
府經縣丞借用印信關防俱令布政使暫給木
戳以資應用奏入報

聞

初八日丙午藍元枚奏言二十一日馳抵泉州查

鹿仔港及北路之艋舺等處皆有官兵率同義
民各相保護提臣黃仕簡等俱於初四初六等

日進港會合勦捕臣受茲重任所有地方情形

一切事宜凡思慮所及惟有勉竭心力統向督

臣常青相商籌辦奏入報業已明奉令問詳

聞

初九日丁未徐嗣曾奏言連日接據臺灣鎮道具

報鳳山滋事不法之賊首王啟郎曾錦等亦被

拏獲該鎮柴大紀等又偵知賊匪於三十日分

路來攻預為準備官兵用鎗砲斃賊百餘名該
 道永福等分路捕剿殺賊無數蔡攀龍見賊匪
 由南蜂擁而至復率兵民奮勇截殺鎗砲打死
 賊匪甚多鄭嵩奮力夾攻追趕十餘里賊俱散
 退等語是賊匪屢經剿殺業已胆落今聞提臣
 黃仕簡兵到即已紛紛散去加以陸路提臣隨
 後踵至併力夾攻臣竊計現在官兵會剿窮搜

賊匪必無稽誅之理特恐其潰逃竄逸復又嚴
 飭沿海地方加意巡防堵緝其賊匪船隻經臣

與督臣先後檄飭嚴加搜燬並飭臺地文武於

商船出口時盤詰稽查毋致夾帶偷渡既杜其
 逋逃之路復絕其偷越之根自可不致一名漏
 網至於內地漳民疊次廣為曉諭漳屬民人現
 有紳士耆民教率子弟族黨於各海口地方密

拏匪犯者當卽分別獎賞以示風勸臺灣屢有
奸民械鬥之案此次林爽文等竟敢攻犯城池
皆由地方官辦理各案止期就案完結並未徹
底嚴辦以致刁民肆無忌憚臣查逆匪林爽文
所住之大里杙莊從前謝笑械鬥案內卽有該
莊林姓多人而諸羅縣楊光勳案內逸犯張烈
等現因逃入林爽文莊內地方文武往拏遇害

穴可見奸民結會樹黨氣類相通仰惟

聖明洞鑒實於數千里海外情形瞭如指掌自當凜
遵痛加誅勦以淨根株又查辦要犯家屬惟有
細處以鎮靜出以縝密不使稍露端倪令該處民
人坦然無疑犯屬自不致免脫漏網奏入

上命軍機大臣傳諭李侍堯常青徐嗣曾曰王啟郎
曾錦係鳳山滋事賊首與高文麟等四犯無異旣

經拏獲著該督撫等押解來京聽候審辦其遊擊
蔡攀龍督率兵民奮勇殺賊尚屬可嘉並著事竣
後給咨送部引見此時各路官兵早已齊抵臺灣
賊人望風胆落勢必紛紛逃竄各口岸巡防堵緝
尤爲最要李侍堯于二月初二日經過杭州計日
內已可抵泉州常青交印後迅卽前往臺灣遵節
次所降諭旨妥協督辦總期迅速蕙事

十一日

巳酉

常青奏言接准黃仕簡咨稱帶領官

兵於正月初四日到臺經將查辦情形於初五

日具奏等因查該提

臣

所稱初五日具奏一摺

並未到泉似係被風阻滯而任承恩由鹿仔港
登岸之後迄今尚無進兵確信探聞現駐劄彰
化此時南北兩路自必聲息相通軍威益壯至
查閩省先後派調官兵共計一萬內兩提

臣管

帶四千四百名總兵郝壯猷管帶一千五百名
普吉保續帶六百名副將林天洛管帶一千名
俱已陸續到臺又遊擊延山帶領福寧等兵一
千名亦經配渡前進惟副將徐鼎士管帶督撫
標兵一千五百名由閩安出口屢被風阻據蚶
江通判探報十五日到東湧放洋又復因風飄
散現止千總陳玉光兵船一隻於十八日自滬

尾港登岸其餘各船尚未抵淡但核計到臺官
兵已共八千數百名兵力不爲不厚所有廣東
兵一千名卽可令其轉回其浙省派備兵三千
名亦應撤令歸伍以省糜費惟漳州一帶地方
緊要應將粵省撥赴潮州兵二千名暫行留駐
俟臺地勦匪事竣再令歸營臣等與署陸路提
臣藍元枚商酌意見相同現已分咨廣東浙江

督撫各臣查照辦理又接據臺灣鎮於十二月十八二十二二十七等日來稟內稱十二月十四日遊擊楊起麟搜捕各莊獲賊康里等五名十五日遊擊林光玉搜捕竹籠等莊獲賊楊元等八名十六日守備楊彪把總李春魁等搜捕大洲等莊賊匪數千圍攻該鎮督率弁兵飛往攻擊鎗砲打死賊匪百餘人生擒康合等五人

十八日守備楊彪等搜捕溪塘各莊獲賊王齊等五名又獲奸細陳老二林保保二名訊供係賊軍師陳天先差令探聽黃仕簡已未到臺及鹽埕營盤有兵若干并以諸彰二縣俱乘大雨攻破今亦俟天雨再來劫營攻府等語又接到同知楊廷理札會彰化義民張明義等解到賊匪楊牛林活潑等供稱首犯林爽文在鹽埕被

砲打傷逃去醫治伊叔林清招匪復圖攻擊隨
將陳老二林保保正法十九日午後雷雨賊衆
果三面擁至官兵力戰一夜至二十日辰刻臺
灣縣義民亦來助戰兵丁余海首先趕入賊陣
放鎗打死一賊各弁兵繼進殺賊百餘名生獲
賊匪陳廷等八名一併解交臺道究辦二十六
日賊人又攻鹽埕橋自辰至申鎗砲打死賊匪
數百并打死騎馬賊一名賊衆始退隊內兵丁
陳成金徐富二名畏葸退後卽行梟首示衆餘
兵奮勇追趕殺死賊人數十名生獲賊匪林大
興等三名就軍前正法等情又將拏獲之匪犯
簡鳩張文朱開劉實卽黃實林天球林耽鍾祥
等七名提訊鍾祥與逆首林爽文素相熟識張
文朱開劉實林天球并林耽之子林萬均係林

爽文王芬糾邀入會簡鳩原係畫匠並非會內
之人因與已獲賊目楊振國素識令其畫旗隨
同入夥匪等當逆首林爽文糾眾劫營攻城之
時鍾祥一犯持刀入城遇理番同知長庚撲捕
遂加戕害張文殺死兵丁一人復在城縱放監
犯朱開殺傷官兵一人劉實林天球二犯據供
並未傷人惟持木棍隨同附和林耽先充彰化

縣役年老黜退其子林萬原屬會匪該犯于攻
城時主使其子在內接應迨林爽文分攻諸羅
淡水派令各該犯在彰化踞守經署備陳邦光
率同義民往收彰城將該犯等先後擒獲其天
地會名目起自何時及入會人數多寡反覆究
詰不能指實卽將各該犯分別凌遲斬決懸首
梟示各犯家屬財產分飭各縣照例查辦林耽

之子林萬雖據供稱已被義民殺死是否屬實
仍飭確查又陳邦光拏獲賊目楊振國等四犯
應坐家屬俱在彰化已咨會提臣嚴行搜捕嗣
後如有續獲要犯其家屬住居原籍者統俟剿
匪事竣會同提臣查拏究辦

同日黃仕簡奏言郡城爲全臺根本週垣廣濶
僅係木柵環植本非峻險城隍臣抵臺後加緊

守禦保固府城初六初九初十十二等日計擒
獲賊匪王鍛等二十三名及賊目陳拱福賊夥
陳捷等并奪獲刀械等項審明正法梟示十二
日金門南澳銅山等標營官兵續到臣隨遣海
壇鎮總兵郝壯猷率同副將丁朝雄叅將那穆
素里遊擊蔡攀龍都司羅光照等帶領兵丁二
千三百五十餘名前往南路剿匪恢復鳳山又

遣臺灣鎮總兵柴大紀率同叅將潘韜遊擊李隆楊起麟林光玉守備邱能成等帶領兵丁二千二百三十餘名前往北路進剿恢復諸羅彰化等處臣帶本標官兵會同臺灣道永福在南北路衝要處所堵禦擒捕往來策應以壯聲援仍分遣弁兵往沿海口岸扼守堵截飭令在城文武官弁嚴守郡城務期迅殲逆賊恢復各縣

城池至府城民居稠密去冬被賊迫擾未免驚

惶臣到臺灣後復出示曉諭安民現在市肆開

張商賈貿易如常民情安堵又上年十二月內

逆賊林爽文等疊攻府城經臺灣道廳縣各催

募鄉勇數千守城臺府居民舖戶亦募義民數

千幫助兵丁敵賊臣到臺之後各加獎賞申明

大義人人感戴

皇上恩威愈形踴躍均奏入

上命軍機大臣傳諭李侍堯常青曰黃仕簡雖係病後但身爲專閫大員旣抵臺灣理應親身帶兵勦賊何得僅以派員前往了事且彰化縣城久經守備陳邦光收復而該提督摺內何以尙稱令柴大紀前往收復彰化等處任承恩由鹿仔港登岸係在北路卽當知會黃仕簡分路夾攻辦理方中窾

要乃迄今月餘尙無進兵確信看來伊二人竟各不相下心存觀望此卽朕於事起時不欲令任承恩去之意今竟不出所料常青不可不迅渡臺灣督率辦理並著常青於到臺灣後卽行秉公嚴查如該提督等實有觀望不前之處卽當據實嚴叅不可因業已調任意存迴護兩可完事再任承恩似此遲延不奏則該提督及副將徐鼎士前後奏

守風待渡之說亦恐不足信並著常青一併據實查奏如該督稍有瞻徇將來經朕查出卽首領亦不能保不可不慎也至該督雖已調任湖廣但此事究係伊在閩浙任內之事尤宜督同妥速辦竣方可將功補過卽李侍堯以現在閩浙總督駐劄泉州凡臺灣剿捕等事亦應聽常青就近調度協同幫辦和衷共濟其各弁兵內如有因常青係別

省總督呼應不靈致悞機宜者該督不妨竟按軍法從事使士卒咸知儆惕現在帶兵大員有總兵柴大紀郝壯猷普吉保三人足以分路勦捕著常青於抵臺後留心察看若黃仕簡實係病體未愈卽留于彼處亦屬無益可令其回至廈門本任調養又常青審明賊夥正法摺內稱劉實林天球二犯據供並未傷人惟持木棍隨同附和等語此等

叛賊豈可復以尋常附和而論况該二犯業于審明後正法摺內又何必爲聲說致蹈辦常案故套著該督嗣後於拏獲賊匪時其首要各犯仍遵前旨派員解京其餘各犯審明後卽一面正法一面具奏以淨根株

上又命軍機大臣傳諭黃仕簡任承恩曰前據常青奏鹿仔港署守備陳邦光帶領弁兵率同泉州粵

省義民攻復彰化縣城擒獲賊目高文麟等四犯

又據徐嗣曾奏鳳山滋事不法之賊首王啟郎曾

錦等已被拏獲賊人於十二月三十日來犯郡城

鎮道親督義民與遊擊等分路剿殺賊匪無數各

等語是彰化縣城久經陳邦光等收復其鳳山等

處亦經柴大紀等派兵分路剿捕郡城已無事矣

何以黃仕簡摺內僅稱派委總兵等分赴南北二

路進勦恢復縣城竟似該處軍情全未知悉者看
來黃仕簡竟思安坐郡城並不親赴各該處督率
勦捕大屬非是提督爲專闡大員領兵是其專責
黃仕簡深受朕恩現帶兵勦賊雖係病後理宜奮
勉出力乃於勦捕事宜奏報遲延全不得行軍要
領該提督所司何事試思臺灣郡城經賊人屢次
攻犯該鎮道等當大兵未勦之先尙能保護無虞

焉有此刻又添提督所帶大兵轉須協同守禦之
理豈黃仕簡竟欲以守護郡城爲名遷延坐視耶
黃仕簡著傳旨嚴行申飭至任承恩由鹿仔港登
岸卽應將該處賊匪情形及辦理勦捕事宜先行
具奏乃日久並未據有奏報現據常青摺內稱該
提督尙無進兵確信探聞現在駐劄彰化等語任
承恩係自請前赴臺灣勦賊旣由鹿仔港一路進

兵卽應督同陳邦光等上緊追捕殺賊並知會黃仕簡分路會合夾攻何以駐守彰化漫無籌畫其心何居任承恩亦著傳諭嚴行申飭

欽定平定臺灣紀畧卷五

欽定平定臺灣紀畧卷六

二月十三日

辛亥

任承恩奏言統領官兵於十二

月十三日開行因風雨阻滯直至正月初四夜

放洋於初六日全抵鹿仔港登岸後正分派小

船撥渡兵械忽起風暴小船不能擺渡延至初

十日始能全行上岸安營連日審察地方形勢

偵探賊匪情形林爽文等仍分屯諸羅縣城及

鐵線橋地方阻截南北道路署鹿仔港守備陳
邦光糾約鹿仔港義民林湊等乘虛擒捉賊目
收復鹿仔港彰化而賊目陳泮吳領等仍復擁
衆踞住彰屬東南山之虎仔坑萬丹城一帶地
方勾結內山生番日擾四處村莊又彰屬大里
杙等處係林爽文等住居起事之地其中匪夥

趁空時出滋擾

臣

伏思鹿仔港爲臺北咽喉要口居

民稠密現今各處避難人民羣集雜處奸匪亦
遂混跡其間人心時覺驚惶又逼近虎仔坑大
里杙賊巢必須先行掃蕩俾要口得以寧輯

臣

卽於十一日分派遊擊穆騰額守備潘國材帶
兵五百名由員林進勦中路南投各莊遊擊海
亮帶兵三百名并鄉勇熟番人等進勦南路嵌
頂各莊守備常萬雄帶兵三百名并鄉勇等進

欽定平定臺灣紀畧 卷六
一
剿北路北投各莊以次會剿虎仔坑等處并派
都司馬元勳帶兵三百名駐劄大加冬防範濁
水溪後路茲遊擊穆騰額于十二日至許厝寮
上南仔下湳仔等莊賊匪聞風逃遁當將賊莊
三處盡行焚燬十三日帶兵登山行至半嶺遇
賊卽行佔住左山梁用鎗橫擊打死賊人甚多
隨卽飭令署守備沈勇雲帶兵分往林厝仔施

厝坪搜燬賊莊賊衆蜂擁迎拒官兵用鎗砲進
攻賊人四散逃竄計燒燬賊莊六處殺賊首級
八顆奪獲藤牌鎗炮等械又遊擊海亮十三日
進攻嵌頂賊匪數百人踞住山梁用石打下卽
令藤牌前攔鎗砲伏後扒山仰攻打死賊匪十
餘名賊始退走官兵追趕上山將及三條崙地
方賊匪又復拒敵隨用鎗炮打斃賊人甚衆餘

賊奔竄經官兵民番奮勇追殺割獻首級耳辮
奪獲鎗刀等械共燒燬內灣竹脚蔡宮下仔粗
坑頭三條崙松柏坑竹仔坑七處賊莊又守備
常萬雄十三日進攻北投莊鎗砲打死十餘人
賊匪敗退進至月眉莊賊匪又來抵拒當卽督
兵鎗斃四人殺死二人奪獲鎗箭等械焚燬上
茄老下茄老月眉莊北投林仔頭溪舟等處賊

莊各等情又連日據各莊義民兵役社番人等
擒獻賊僞號將軍林里生并賊夥高玉等十三
名并呈繳渠賊王芬首級一顆訊據林里生供
稱林爽文封做掃北大將軍曾經攻破竹塹城
又夥賊高玉等隨同林爽文或攻彰化縣或攻
諸羅縣俱各供認不諱因林里生一犯現患病
沉重當卽凌遲處死其餘各犯概行處斬又王

芬首級訊之賊黨林里生等合認屬實鋪戶居民無不稱快_臣將該犯首級并林里生首級一同梟示其呈繳擒獻之各莊貢生張明義生員張植槐民人錢凌碧邱景厰蔡運世施烜光大肚社熟番通事烏肉典岸里社熟番通事潘明慈貢生潘士興兵丁方得章陳論林世忠等均行分別獎賞又據運糧官黃嘉訓訪有彰化縣

兵房書辦劉志賢曾受林爽文偽封鹿仔港同

知公然到任鞭扑平民擅收鹽課需索船規卽

親率跟役拏獲訊供不諱卽日解送督_臣審辦

更訪得在港居民有乘機搶奪之徒未便姑容

致滋騷擾當飭叅將福蘭泰拏獲楊禮等十一

犯挑斷脚筋以示懲創_臣仍嚴督將備將虎仔

坑一帶賊莊尅日勦平陳泮吳領二犯務期拏

獲再將官兵調赴大里杙一帶搜剿林爽文賊

巢淨盡後

臣

卽當親統官兵南下會同水師提

臣黃仕簡商酌機宜同心并力迅擒首逆盡殲

匪黨又到港後據被害臺灣府知府孫景燧家

人丁壽呈繳臺灣府印信一顆又被害彰化縣

知縣俞峻家人毛榮呈繳彰化縣印信一顆又

鹿仔港被害巡檢馮啟宗之子馮廷玉呈繳鹿

仔港巡檢印信一顆并僉稱各故員未經被害

之前手將印信交付收藏并言我死是該當印

係官物未敢遺失你速帶去逃避等大兵到日

呈繳各等語隨將印信三顆驗明封固統候克

復諸羅之後委員賫交臺灣道永福收貯仍卽

飛咨督撫二臣查辦

同日黃仕簡奏言臺灣五方雜處逆匪膽敢恣

行不法罪大惡極其間或被迫脅隨行者自必不少是欲殲其渠魁必亟散其黨羽

臣

先經飛

檄示知臺地民人現在帶領官兵進剿凡被賊

匪迫脅隨行者速須解散無致悉被刑誅嚴切

曉示在案先聞賊匪于正月初四五等日要來

再攻郡城迨

臣

統領官兵到臺初四五等日逆

賊不敢復來迫攻總郡城最關緊要

臣

隨將到

臺官兵先卽一面四路堵禦一面相度機宜發

兵進剿日內陸路提

臣

任承恩亦卽續帶官兵

及金門南澳銅山等標營兵丁到臺自可調度

分發南北夾攻均奏入

上命軍機大臣傳諭常青曰本日據任承恩奏到派

撥官兵於鹿仔港一帶焚燬賊莊擒殺匪夥一摺

所辦雖畧有頭緒但殺賊甚少前經降旨諭令任

承恩侯常青到臺灣後卽馳驛來京陛見但此時
任承恩正在帶兵勦捕著常青於到日察看情形
如果任承恩奮勉得力卽令其在彼率領將弁追
捕賊匪以期迅速歲事若伊在彼不甚得力卽據
實具奏仍遵照前旨飭令赴京陛見候朕面訊一
切現在該處領兵大員尙有總兵柴大紀郝壯猷
普吉保三人足資帶兵勦捕也

上又命軍機大臣傳諭李侍堯常青曰任承恩派兵
分路進勦共有千四百名又有鄉勇等幫同勦捕
而所殺賊人首級割取耳記爲數甚少前此署守
備陳邦光以微末員弁尙能督率兵民多殺賊衆
並擒要犯高文麟等四名出力可嘉任承恩等轉
不及該弁寧不之愧乎現在賊衆旣分屯諸羅縣
城及鐵線橋地方黃仕簡任承恩二人務宜親督

弁兵南北夾攻以期一舉集事勿再遲延至摺內
所稱各莊生監義民人等擒獻賊目并呈繳逆渠
王芬首級一顆此等擒獻賊匪之生監義民如官
兵未到之先本未從賊及見官兵到彼卽擒賊來
獻自應優加獎賞若先被賊逼脅觀望附從後見
官兵勢盛懼而擒獻只可免其治罪不得令其倖
功著常青于到臺灣後查明分別核辦至林爽文

王芬係此案首犯今王芬雖已殲斃若林爽文復
臨陣被戮或情急自戕轉使逆首倖逃憲典無以
示懲著常青於到臺灣時務須設法將林爽文生
擒解京方爲妥善其呈出之王芬首級並著覆驗
明確查明係何人所殺若此時不能詳加辨認設
將來又有王芬其人尙復成何事體該督不可不
慎也劉志賢身充書吏竟敢受賊僞職公然到任

實屬罪大惡極凡應行緣坐者一概不可寬宥該
將于訊供後一併派員妥速解京至拏獲乘機搶
奪之楊禮等十一犯雖已挑斷脚筋但該犯等輒
敢乘機搶奪騷擾良善卽與賊匪無異僅以挑斷
脚筋完結不足示儆並著常青查明搶奪屬實卽
將該犯正法示衆再據黃仕簡奏欲殲其渠魁必
先散其黨羽等語所奏非是此等辦法或因起事

之初兵少賊多爲一二時權宜之計則可今軍威壯
盛自應趁此兵力蕩滅賊巢勿使轉留餘孽若黨
羽旣散將來如何按名究辦况大兵一撤賊夥散
而復聚豈不更煩兵力此皆伊等平日將就完案
之見此次林爽文等糾聚滋事卽由從前姑息養
癰所致今該犯等肆逆至此豈可不殲戮淨盡以
絕根株且現據任承恩奏賊人勾結內山生番日

出滋擾可見賊人自知罪在必死負嵎煽聚非痛加勦洗勢必仍行肆擾現在兵力既盛亦不難將所結之生番等一併勦辦上年戕害同知潘凱一案卽係生番滋事倘能趁此剪除將來內山等處俱成熟番不更一勞永逸乎著傳諭常青卽遵照節次所降諭旨相機妥辦總以勦賊務盡勿留後患爲要

同日海壇鎮總兵郝壯猷奏言承准督臣常青

照會令挑派精壯兵丁四百名配足軍裝器械

齊集閩安前赴進勦隨卽派兵起程於十二月

十五日到閩安適副將丁朝雄叅將那穆素里

管帶督標海壇閩安烽火兵丁共一千五百名

陸續亦到臣卽令分配船隻於十二月十九日

由閩安開駕到平海放洋緣連日風暴至五十

二年正月初三夜抵鹿耳門水師提臣黃仕簡
船隻亦到初四日一同登岸進城即將到臺官
兵分派各要隘處所嚴加堵截一面會商水師
提督臣黃仕簡相機帶兵進剿奏入

上諭內閣曰據郝壯猷奏奉派帶兵起程到臺灣日
期一摺所奏甚不明晰該總兵經總督派令前往
進剿逆匪既已率領官兵於初四日登岸自應奮

勉出力迅速剿捕並將賊匪現在情形詳悉聲敘
方得窺要乃摺內並未敘明祇將起程及行抵臺
灣日期敷衍陳奏于剿賊事宜全無頭緒郝壯猷
著傳旨嚴行申飭該總兵接奉此旨務須奮勇殺
賊毋得稍有疎懈致干咎戾

上又諭內閣曰臺灣逆匪林爽文糾眾滋事現據任
承恩奏臺灣府知府孫景燧彰化縣知縣俞峻鹿

仔港巡檢馮啟宗同時被害各將印信令家屬呈
上繳等語孫景燧等守禦城池猝被戕害殊堪憐憫
著交部從優議卹

著十四日 壬子

上諭內閣曰此次臺灣逆匪林爽文等糾眾謀逆到
處搶掠義民鄉勇人等隨同官兵奮勇殺賊守禦
邵城甚屬可嘉業經降旨令該督等查明優賞惟

念逆匪滋事之初經過地方百姓田廬牲畜被其
蹂躪劫掠及避賊遷徙流離者殊為可憫亦宜一
體加恩普施惠澤所有臺灣府全屬五十二年應
徵地丁錢糧悉行蠲免以副朕優加軫卹之至意
並著該督撫接奉此旨即日謄黃遍諭各處該部
遵諭速行

臣等謹按臺灣一歲三熟比戶盈寧久享昇平

之福茲猝被林爽文肆虐各處村莊受其蹂躪
者不少我

皇上於該處鄉勇義民已捐稅錫銜

恩施廣被復以賊匪所過地方被其劫掠及兵燹流

離者情殊可憫如傷在抱

異命載申於臺灣府全屬五十二年錢糧悉行蠲免

海外編氓無一不在

皇仁涵煦之中真與天同量矣

同日常青奏言二月初一日申刻准提臣任承

恩咨稱統領各兵船於正月初十日全行上岸

及派撥官兵鄉勇熟番分路進剿據遊擊穆騰

額海亮守備常萬雄等稟報於十二十三日進

攻各莊鎗砲打死賊人甚多各有奪獲軍械並

焚燬各處賊莊俟搜剿賊巢餘匪後即統兵南

下與水師提督會商勦捕等因查該提臣自抵

鹿仔港卽已分兵勦捕焚燬賊巢使匪徒無頓

身之地現在南北兩路可互壯聲援併力搜洗

且首逆林爽文前據臺灣鎮稟報訪聞被砲打

傷早陰禡其魄而王芬係助惡大慙又經義民

人等割獻首級其餘逆夥定可不日殲除再臣

皇上前委署理臺灣府廳及各縣員缺因印信尙無

爽下落飭將府經縣丞等印信關防暫行給用今

據孫景燧家人呈繳臺灣府印信一顆俞峻家

人呈繳彰化縣印信一顆又鹿仔港巡檢馮啟

宗之子呈繳鹿仔港巡檢印信一顆俱經驗明

封固賚交臺灣道收貯隨飭知該道分給各署

員備用將借給內地印信關防繳回仍查追理

番諸羅鳳山各廳縣被失關防印信及武職關

防務獲奏入 谷顯線將火關制取計又為鄰關

上命軍機大臣傳諭李侍堯常青黃仕簡任承恩曰
本日常青奏接據陸路提督咨報剿賊情形一摺
皆係任承恩業經奏聞之事何用六百里加緊徒
勞驛站林爽文係此案首犯必須生擒解京盡法
懲治方足以申國法而快人心據稱該鎮訪聞林
爽文被炮打傷之語畢竟有何確據大里札等處

卽係賊人巢穴林爽文又逃往何處若因林爽文
有被砲打傷之語將弁等不能將首犯生擒或又
捏報因傷身死希圖將就完結致首逆重犯倖逃
顯戮設將來又有林爽文復出非獨黃仕簡任承
恩罪無可寬卽常青亦恐不能當此重戾至王芬
一犯據義民等將首級呈繳亦恐不足深信昨有
旨著常青等確查覆奏若此時未經驗明確據將

來他處又有王芬其人一經發覺惟常青等是問

同日孫士毅奏言上年十二月接准閩省咨文

恩挑備戰兵以資策應臣才庸識淺不知輕重緩

急惑於漳潮接壤民情疑恐親赴彈壓茲自知

錯謬不禁慚悚交集現在已於正月二十一日

起先將督標官兵陸續撤回歸伍其先赴閩省

之水師一千名昨接閩浙督臣知會現在暫駐

漳州用資彈壓其駐劄黃岡等處水陸兵丁現

與署提臣彭承堯商酌俟再得閩省勦賊確信

人亦即分起撤回惟粵省惠潮民人入天地會者

諒復不少此種匪會非別項邪教止圖誑騙錢

財者可比必須徹底查辦淨絕根株臬司姚棻

現已行調來潮專司督緝署提臣彭承堯仍暫

駐潮州督率料理臣即於正月二十六日起程

回省奏入率林魁等
上命軍機大臣傳諭孫士毅曰前因孫士毅接准閩
省咨文立即調發弁兵親赴潮州不過見其遇事
急公而不權事理之輕重緩急且恐粵東內地民
人心懷疑惑是以降旨飭諭現在黃仕簡任承恩
齊抵臺灣分路進剿賊匪四散逃竄各莊生監義
民擒獻賊目賊夥並割取賊渠王芬首級呈繳大

兵會剿餘黨自可即日蕩平此時大局已定孫士
毅又當親往稽查彈壓况惠潮民人入天地匪會
者不少其從外竄逃入境及內地勾引入會之人
均應逐一搜捕不留餘孽若孫士毅往來督緝豈
不較總兵彭承堯及道府等更為有益乃該督率
行回省全不知事體緩急因時制宜何以拘泥錯
謬若此著傳旨申飭該督接奉此旨即仍前往潮

州一帶督率辦理

十六日

甲寅

上命軍機大臣傳諭李侍堯日前據常青奏黃仕簡

等帶兵登舟開駕以後屢被風信阻回朕當即於

次日清晨齋心默禱叩

天虔告以祈

神佑嗣據該提督等節次奏報風水順利所帶官兵

船隻於二月初三初六等日先後俱抵臺灣尅期

進剿可見誠敬感孚聿昭

靈應朕欣慰之餘益生寅凜著李侍堯即親詣

天后宮虔申報謝以答

神庥

州一帶督率辦理

十七日 甲寅

輒派軍機大臣傳諭李侍堯日前據常青奏黃仕楠

天司宮裏申辨撫以咨後屢被風信阻回朕當即於

靈輿刑刑心繪益坐寅稟著李侍堯明瞭請

度數曠何良媯始風乎隼部

欽定平定臺灣紀畧卷六

